

I CONCURSO DE POSTAIS DE NADAL

ASPAMITE

BASES

1. Poderán participar todos aqueles nenos e nenas nados entre os anos 2007 e 2016 (ambos incluídos).
2. Cada participante poderá presentar un só traballo. Este debe realizarse en **cartolina** tamaño **DIN-A4** por unha soa cara e poderase utilizar calquera técnica de debuxo, pintura ou collage. Os traballos non se poderán presentar enmarcados nin suxeitos con ningún tipo de soporte. As cartolinas tampouco poderán estar dobradas.
3. A temática da postal debe unir o Nadal e un desexo: **brindar por un ano vivindo sen plástico**. No caso de levar texto (non é obrigatorio), deberá ser en galego.
4. Os traballos presentaranse nun sobre pechado. No exterior do sobre indicarse "I Concurso de Postais de Nadal de Aspamite". No interior, acompañando á postal, incluírase un sobre pequeno pechado coa folla de inscrición que acompaña a estas bases no seu interior. Na parte posterior da postal debe indicarse a idade da persoa participante, pero nunca o seu nome.
5. As postais deberán entregarse na sede de Aspamite, ben de maneira presencial ou enviándoas por correo. O enderezo é: Travesía das Galanas, 71 – Calo – 15886 Teo – A Coruña.
6. Valorarase a calidade dos traballos tendo en conta a idade dos nenos e nenas, a imaxinación, a orixinalidade e a súa relación coa temática indicada.
7. A data límite de recepción dos orixinais será o **9 de decembro de 2019**.
8. Outorgarase un único premio. Este será nominal e non será transferible a outra persoa.
9. O premio consistirá nunha tarxeta regalo do Corte Inglés valorada en 100€. A imaxe gañadora formará parte da tarxeta de Nadal que elaborará para este ano Aspamite. Na mesma figurará o nome do gañador ou gañadora.
10. O xurado poderá outorgar un accésit.



11. O fallo do xurado farase público o 17 de decembro de 2019 na web de Aspamite (www.aspamite.org) e nas redes sociais.
12. A entrega do premio comunicárselle oportunamente por escrito ao gañador ou gañadora.
13. O xurado resérvase o dereito de declarar deserto o premio.
14. A decisión do xurado cualificador será inapelable.
15. O xurado estará composto por:
 - Un membro da Xunta Directiva de Aspamite ou persoa en quen delegue
 - Dous usuarios/as ou representantes do Centro Ocupacional e do Centro de Día
 - Unha persoa experta en arte
16. Non poderán participar neste concurso os familiares de ata segundo grao dos membros do xurado.
17. Os pais, nais ou representantes legais de todos os participantes, sexan finalmente gañadores ou non, autorizan a Aspamite a publicar todas as obras cedidas, sen que poidan utilizarse para ningunha outra actividade non relacionada co concurso, sen límite temporal ou xeográfico.
18. As cesións anteriores enténdense realizadas a título gratuíto.
19. Os pais, nais ou representantes legais dos participantes manifestan e garantirán que as obras e a cesión non infrinxen dereitos de terceiros, en particular, non infrinxen dereitos de propiedade intelectual ou industrial, dereitos sobre a propia imaxe, dereitos sobre os datos persoais, nin son contrarios á lei nin aos bos costumes; e que manterán indemne a Aspamite e calquera terceiro que actúe por encargo de estes por calquera reclamación da que sexa obxecto por dita causa.
20. Aspamite resérvase o dereito de non publicar calquera obra cuxo contido non estea relacionado coa temática do concurso ou calquera obra cuxa autoría se sospeite que non sexa do participante rexistrado.
21. Aspamite resérvase o dereito a modificar en calquera momento as condicións do concurso, incluso a súa posible anulación antes do prazo prefixado, sempre que conorra causa xusta, comprometéndose a comunicar as novas bases, condicións do concurso ou a anulación definitiva.
22. Participar neste concurso conleva a aceptación íntegra destas bases.

